



10. marts 2023

UPA 2023/148

Inatsisartut suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Angajoqqaat erninermi sulingiffeqarnerup naammassereersimanerani paarsisussarsisimangitsunut pisortat qanoq ikiorsiinnaanerinut tunngasumik, siunnersuummik saqqummiussisussamik, suleqatigiissitaq nalunaarummik suliaqartussamik pileritsisoqarnissaanik Naalakkersuisut peqquneqassatut Inatsisartunut aalajangiiffigisassatut siunnersuut. Nalunaarusiami siunnersuut aallaavigalugu pisortanut aningaasatigut suut kingunissaanersut ilaassapput. Suleqatigiissitaq innersuussutini kingusinnerpaamik 1. Januar 2024 saqqummiutereersimassavaat.

(Demokraatit Inatsisartutgruppia)

Tungavilersuut

Ajoraluartumik inuiaqatigiittut atugarissaarnissaagaluatsinnut suliassat amerlasuut naammassineqangillat. Angajoqqaatu meeqqerivinni inissaqannginneq imaluunniit erninermi sulingiffeqarnermi pisartagaqartannginneq aqqusaarneqartaannaavissoq Demokraatiniit samminiarpaput.

Angajoqqaat amerlasuut inissisimaffik erloqinartumut inissittarput, pisortat meeqqeriviini suli inissarsisinnaanatik erninermi sulingiffeqarnermi tapiissutigineqartartut naammassisarmata. Taamaasillutik angajoqqaat inissisimaffik erloqinarluinnartumut pisarput. Tamanna naammaginangilluinnarpoq.

Imaattariaqaraluarpoq pisortat akisussaaffimminnik iliuuseqarnissaminnullu annertunerujussuarmik pingaartitsinerusariaqaraluartut. Angajoqqaat erninermut atatillugu tapiiffigineqarnissamik periarfissaat naammassippat meeqqerivimmilu inissamik suli tunineqarsinnaanatik, taava pisortat angajoqqaanut annaamik taarsiisinnaasariaqarput.

Pisortat paarsisussanik nassaarsinnaanngippata angajoqqaajunermut inatsi pissusissamisuuginnartumik sivitsorneqarsinnaanissaa periarfissanut ilaavoq.

Periarfissap aapparissinnaavaa, meerarisap meeqqerivimmiinnginnerata tungavigisaank pisortat sipaaruteqarnerisa annertoqataanik angajoqqaajusut pisortanit taarsiivigineqarsinnaanerat. Tamatumani kisitsinermi piffissami akigitineqartut aallaavigineqassapput¹.

¹ Meeqqanut suli atualingitsunut perorsaanikkut inerikkiartuutaasumik ulluunerani neqeroorutitut akiliuteqartarneq pillugu Namminersorlutik Oqartussat Namminersorlutik Oqartussat nalunaarutaat nr. 3, 4. februar 2011-imeersoq



Uani ersarissatigineqassaaq angajoqqaat taarsiivigineqarnissaat Demokraatinut pingaarnerpaajunngimmat. Angajoqqaat qanoq taarsiivigineqarsinnaanissaat suleqatigiiffiginissaa pingaarnerpaajuvoq.

Illumoorsinnaangilaq pisortat akisussaaffimminniit qimarratiginniinnarnissaat innuttaasunullu akiligassaq milorujullugu.

Inatsisartuniit Naalakkersuisuniillu isummat tusarnissaat qilanaaraarput.

Pisortanut aningaasatigut allaffissornikkullu kingunissai

Suleqatigiissitap sulinissaanut aningaasartuutigineqartussat million koruunit sinnernissaat naatsorsuutigineqanngilaq.

Namminersorlutik inuussutissarsiteqartunut aningaasatigut allaffissornikkullu kingunissai

Soqanngilaq.

Innuttaasunut aningaasatigut allaffissornikkullu kingunissai

Soqanngilaq.